

ODLUKA

**O PRIHVATANJU ZADUŽENJA PO UGOVORU O ZAJMU I PROJEKTU
IZMEĐU KREDITANSTALT FÜR WIEDERAUFBAU (KFW) FRANKFURT
NA MAJNI, BOSNE I HERCEGOVINE, FEDERACIJE BOSNE I
HERCEGOVINE I OPĆINA TUZLA I ZENICA ZA REALIZACIJU
PROJEKTA VODOSNABDIJEVANJA I ZBRINJAVANJA OTPADNIH VODA
U BOSNI I HERCEGOVINI II**

Sarajevo, maj 2014. godina

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na svojoj _____ sjednici održanoj _____ godine i Dom naroda Parlamenta Federacije Bosne i Hercegovine na svojoj _____ sjednici održanoj _____ godine d o n o s i

ODLUKU

O PRIHVATANJU ZADUŽENJA PO UGOVORU O ZAJMU I PROJEKTU IZMEĐU KREDITANSTALT FÜR WIEDERAUFBAU (KfW) FRANKFURT NA MAJNI, BOSNE I HERCEGOVINE, FEDERACIJE BOSNE I HERCEGOVINE I OPĆINA TUZLA I ZENICA ZA REALIZACIJU PROJEKTA VODOSNABDIJEVANJA I ZBRINJAVANJA OTPADNIH VODA U BOSNI I HERCEGOVINI II

I.

Prihvata se zaduženje Federacije Bosne i Hercegovine (u daljem tekstu: Federacija), po Ugovoru o zajmu i projektu između Kreditanstalt für Wiederaufbau (u daljem tekstu: KfW) Frankfurt na Majni, Bosne i Hercegovine (u daljem tekstu: BiH), Federacije i općina Tuzla i Zenica u iznosu do 11.000.000,00 EUR-a.

II.

Sredstva zajma iz tačke I. ove Odluke koristit će se za realizaciju Projekta vodosnabdijevanja i zbrinjavanja otpadnih voda u Bosni i Hercegovini II za Općinu Tuzla u iznosu do 6.250.000,00 EUR-a i Općinu Zenica u iznosu do 4.750.000,00 EUR-a.

Primarni cilj Projekta je rekonstrukcija vodozahvata, rezervoara i pumpnih stanica, te vodovodnih cijevi u distributivnoj mreži, a sve kako bi se smanjili gubici i olakšalo praćenje gubitaka, te osiguralo sigurno i kvalitetno vodosnabdijevanje bez redukcija, poboljšanje odvodnje otpadnih voda, produženje postojećih kolektora, priključenje jednog broja kanalizacionih mreža na iste, te izgradnja kišnih preliva.

III.

Sredstva zajma iz tačke I. ove Odluke, odobravaju se Federaciji pod sljedećim uslovima:

- iznos zajma.....11.000.000,00 EUR-a
- rok otplate.....15 godina
- grace period.....3 godine
- naknada za neiskorištena sredstva.....0,25 % godišnje
- kamatna stopa.....utvrđena na bazi efektivni troškovi refinansiranja KfW na tržištu kapitala za euro +/- marža i utvrđuje se na dan potpisivanja Ugovoru o zajmu i projektu
- naknada za upravljanje zajmom je0,5 % jednokratno
- dospjeća.....polugodišnje u jednakim otplatama glavnice
- datum plaćanja glavnice i kamata.....30. juni i 30. decembar svake godine
- iz kreditnih sredstava se ne mogu plaćati carine, porezi i druge dažbine

IV.

Potvrđuje se da je razmatrana dokumentacija prihvatljiva za Federaciju, a posebno:

- Nacrt Ugovora o zajmu i projektu između KfW, BiH, Federacije i općina Tuzla i Zenica;
- Nacrt supsidijarnog sporazuma o zajmu i projektu između BiH i Federacije BiH;
- Nacrt Podugovora o zajmu i projektu između Federacije BiH i općine Tuzla;
- Nacrt Podugovora o zajmu i projektu između Federacije BiH i općine Zenica;
- Nacrt Podugovora o zajmu i projektu između Federacije BiH i JP „Vodovod i kanalizacija“ d.o.o Zenica.

V.

Sredstva zajma iz tačke I. ove Odluke Federacija će se na kreditnom osnovu prenijeti na općine Tuzla i Zenica i JP „Vodovod i kanalizacija“ d.o.o. Zenica, koji su krajnji korisnici i dužnici po zajmu to :

- Općina Tuzla -	6.250.000,00 EUR
- Općina Zenica -	1.150.000,00 EUR
- JP „Vodovod i kanalizacija“ d.o.o. Zenica -	<u>3.600.000,00 EUR</u>
UKUPNO :	11.000.000,00 EUR

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

VI.

Zadužuje se Federalno ministarstvo finansija-Federalno ministarstvo financija da sa općinama Tuzla i Zenica i JP „Vodovod i kanalizacija“ d.o.o. Zenica usaglasi i sklopi odgovarajuće Podugovore o zajmu kojim će, u svrhu redovne otplate, definirati uvjete vraćanja sredstava koja se prenose na kreditnom osnovu.

VII.

Daje se saglasnost za zaključivanje Supsidijarnog sporazuma između BiH i Federacije, Podugovora o zajmu između Federacije i općina Tuzla i Zenica i JP „Vodovod i kanalizacija“ d.o.o. Zenica za sredstva iz tačke I. ove Odluke.

Za potpisivanje Supsidijarnog ugovora i Podugovora o zajmu i projektu, ovlašćuje se federalni ministar finansija - federalni ministar financija.

VIII.

Za realizaciju ove Odluke i izvještavanje zadužuju se Federalno ministarstvo finansija - Federalno ministarstvo financija i općine Tuzla i Zenica, svako u okviru svoje nadležnosti.

IX.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

X.

Ova Odluka stupa na snagu narednog dana od dana objavljivanja u “Službenim novinama Federacije BiH”.

O B R A Z L O Ž E N J E

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrtu kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

Razlozi za donošenje

Donošenjem ove Odluke stvara se osnov za potpisivanje Supsidijarnog sporazuma između BiH i Federacije Bosne i Hercegovine, a zatim će Federacija BiH sredstva zajma dalje proslijediti općinama Tuzla i Zenica i JP „Vodovod i kanalizacija“ d.o.o. Zenica kao krajnjim dužnicima i korisnicima kredita Projekta vodosnabdijevanja i zbrinjavanja otpadnih voda u Bosni i Hercegovini II.

Sredstva zajma namijenjena su za realizaciju Projekta vodosnabdijevanja i zbrinjavanja otpadnih voda u Bosni i Hercegovini II u općinama Tuzla i Zenica a koji podrazumijeva rekonstrukciju vodozahvata, rezervoara i pumpnih stanica, te vodovodnih cijevi u distributivnoj mreži, a sve kako bi se smanjili gubici i olakšalo praćenje gubitaka, te osiguralo sigurno i kvalitetno vodosnabdijevanje bez redukcija, poboljšanje odvodnje otpadnih voda, produženje postojećih kolektora, priključenje jednog broja kanalizacionih mreža na iste, te izgradnja kišnih preliva.

Obrazloženje pojedinih tačaka

Tačka I. je nužna kako bi se prihvatio zajam koji se realizuje putem Kreditanstalt für Wiederaufbau (KfW) Frankfurt na Majni.

Tačkom II. potvrđuje se namjena utroška sredstava zajma.

Tačkom III. precizirani su uslovi zajma.

Tačkom IV. potvrđuje se da je dokumentacija parafirana tokom pregovora sa KfW-om prihvatljiva za Federaciju BiH, što je uslov da KfW, BiH, Federacija i općine Tuzla i Zenica pristupe potpisivanju Sporazuma o zajmu i projektu.

Tačkom V. se definira način implementacije Projekta, te da nije potrebno osigurati dodatna sredstva u budžetu Federacije za ovu namjenu.

Tačkom VI. se definira obaveza Federalnog ministarstva finansija-Federalnog ministarstva financija da sa općinama Tuzla i Zenica i „Vodovod i kanalizacija“ d.o.o. Zenica usaglasi i sklopi odgovarajući Podugovor o zajmu.

Tačkom VII. daje se saglasnost za zaključivanje Supsidijarnog sporazuma o zajmu s Bosnom i Hercegovinom, Podugovora o zajmu između Federacije sa općinama Tuzla i Zenica i JP Vodovod i kanalizacija d.o.o. Zenica i ovlaštenje federalnom ministru finansija - federalnom ministru financija da u ime Federacije potpiše iste.

Tačkom VIII. u okvirima nadležnosti definira se obaveza za realizaciju Odluke i izvještavanje.

Tačkom IX. se potvrđuje da za implementaciju Sporazuma o zajmu nije potrebno donijeti nove ili izmijeniti postojeće zakone.

Tačka X. propisuje stupanje na snagu ove Odluke.